

Bruce G. Berton



Prvi zamjenik visokog predstavnika i supervizor za Distrikt Brčko

septembar 2015. – oktobar 2017.

Prije preuzimanja funkcije u BiH, Bruce G. Berton je obavljao dužnost zamjenika šefa misije Ambasade Sjedinjenih Američkih Država u Sofiji, Bugarska. Diplomatsku službu započeo je 1987. godine, a obavljao je različite funkcije na više lokacija, uključujući i Karakas, Moskvu, Bermudsko otočje, Hong Kong, Rim, Mexico City, Frankfurt i Varšavu, a proveo je i pet godina u sjedištu State Departmenta u Washingtonu, DC. Obavljao je nadzornu funkciju u Operativnom centru State Departmenta, bio je predstavnik SAD-u u multilateralnim misijama, obavljao je nekoliko rukovodećih i izvjestiteljskih funkcija, kao i funkciju direktora Ureda za inovacije u menadžmentu State Departmenta od 2012. do 2014. godine. U tom svojstvu je održao govor za TEDx pod naslovom “Što je potrebno za pravu inovaciju”. Dobitnik je brojnih nagrada State Departmenta.

Gospodin Berton je porijeklom iz područja sjevernozapadne obale Pacifika, a 1983. godine je s izuzetnim uspjehom diplomirao međunarodne odnose na Pacifičkom luteranskom univerzitetu (magna cum laude). Prije diplomatske službe, proveo je tri godine radeći za firmu “Boeing” u Seattleu. Gospodin Berton je oženjen sa Susan Berton, nastavnicom, i

ponosni je otac dvoje odrasle djece, Katherine i Aarona.